



Broj: 22-44-1757-9/17
Sarajevo, 30.11.2017. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 92. stav (3) Pravilnika o unutrašnjoj organizaciji Kantonalne uprave civilne zaštite, na Preporuku Komisija za nabavku, broj: 22-44-1757-7/17 od 29.11.2017. godine, u postupku javne nabavke roba: „Nabavka, isporuka i instalacija opreme za videonadzor“, direktor Kantonalne uprave civilne zaštite Kantona Sarajevo, d o n o s i

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisija za nabavku, broj: 22-44-1757-7/17 od 29.11.2017. godine i Ugovor o nabavci, isporuci i instalaciji opreme za videonadzor, dodjeljuje se izabranom ponuđaču **Maxec d.o.o. Živinice**, ponuda od 21.11.2017. godine, za ponuđenu cijenu od **14.667,00 KM bez PDV-a**, kao najpovoljnijem ponuđaču.

Član 2.

(1) Prijedlog Ugovora o nabavci, isporuci i instalaciji opreme za videonadzor, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, broj 39/14).

(2) Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostaviti sve dokaze o kvalifikaciji (dokaze lične sposobnosti) koji su traženi kao uslov za učešće u ovom postupku javne nabavke i to na način i u formi kako je zahtijevano tenderskom dokumentacijom za predmetni postupak javne nabavke, broj: 22-44-1757-2/17 od 09.11.2017. godine.

Član 3.

Za realizaciju ove Odluke zadužuju se i ovlašćuju Komisija za nabavku roba: „Nabavka, isporuka i instalacija opreme za videonadzor“ i Sektor za ekonomske poslove Kantonalne uprave civilne zaštite Kantona Sarajevo.

Član 4.

Ova Odluka će se u skladu sa članom 70. stav (6) Zakonom o javnim nabavkama objaviti na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 22-44-1757/17 od 09.11.2017. godine.

Postupak nabavke je sproveden putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a je 21.000,00 KM.

Komisija za nabavku je imenovana Rješenjem, broj: 22-44-1757-1/17 od 09.11.2017. godine.

Obavještenje o nabavci, broj: 282-7-1-59-3-28/17 objavljeno je dana, 09.11.2017. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je poziv za preuzimanje tenderske dokumentacije u sistemu „E-nabavke“ isti dan poslat na adresu tri ponuđača.

Komisija za nabavku dostavila je dana, 30.11.2017. godine direktoru Kantonalne uprave civilne zaštite, Zapisnik o pregledu i ocjeni ponuda, Preporuku ugovornom organu i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo ne blagovremeno primljenih ponuda;
- da se ponuda ponuđača Sikra Security d.o.o. Sarajevo odbacuje na osnovu člana 68. stav (1) Zakona o javnim nabavkama iz razloga što navedeni ponuđač nije dostavio tražene dokaze o ispunjavanju uslova tehničke i profesionalne sposobnosti iz čl. 48. i 49. Zakona o javnim nabavkama i to:
 - za stavku 3. KAMERA FULL HD iz Obrasca za cijenu ponude (Aneksu III) je dostavio katalog sa prospektnom dokumentacijom za kameru DH-HAC-HFW1200S iz kojih se jasno vidi ta kamera ne zadovoljava sve tražene minimalne tehničke karakteristike koje su navedene u Obrascu za cijenu ponude (Aneksu III) za stavku 3. KAMERA FULL HD (za KAMERU FULL HD tražen je noćni domet minimalno 80 m, a kamera DH-HAC-HFW1200S ima noćni domet od 30 m);
- da se ponuda ponuđača Middle point electronics d.o.o. Sarajevo odbacuje na osnovu člana 68. stav (1) Zakona o javnim nabavkama iz razloga što navedeni ponuđač nije dostavio tražene dokaze o ispunjavanju uslova tehničke i profesionalne sposobnosti iz čl. 48. i 49. Zakona o javnim nabavkama i to:
 - za stavku 3. KAMERA FULL HD iz Obrasca za cijenu ponude (Aneksu III) ponudio je kameru DCA-BV5241A, a iz kataloga sa prospektnom dokumentacijom koje je dostavio za kameru DCA-BV5241A se jasno vidi ta kamera ne zadovoljava sve tražene minimalne tehničke karakteristike koje su navedene u Obrascu za cijenu ponude (Aneksu III) za stavku 3. KAMERA FULL HD (za KAMERU FULL HD

traženi je noćni domet minimalno 80 m, a kamera DCA-BV5241A ima noćni domet od 50 do 60 m).

- da su ponude ponuđača: Maxec d.o.o. Živinice i Sword Security d.o.o. Sarajevo, kvalifikovane i prihvatljive, da ispunjavaju sve zahtjeve i kriterije koji su traženi tenderskom dokumentacijom za predmetni postupak javne nabavke, te da su dostavljeni svi traženi dokazi na propisani način.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom E-aukcijom.

Uvidom u priloženu dokumentaciju, nesporno je da je **izabrani ponuđač** najbolje ocijenjen jer je njegova ponuda u ukupnom iznosu od **14.667,00 KM bez PDV-a**, prema kriteriju za izbor (**najniža cijena**) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ
- a/a



DIREKTOR

Samir Džihic



E-mail: kucz@kucz.ks.gov.ba; www.ks.gov.ba
tel: + 387 33 201 595; + 387 33 443 720; fax: +387 33 560 453
71000 Sarajevo, Hamida Dizdara 1